

Ársskýrsla Foreldraráðs

Veturinn 2014 – 2015

Lögð fram á aðalfundi 29. september 2015

Aðalfundur Foreldrafélags Verzlunarskóla Íslands var haldinn þann 9. September 2014 í skólanum. Elín Thorarensen formaður félagsins bauð foreldra velkomna, Sigurður Örn Eiríksson var kosinn fundarstjóri og María Björk Óskarsdóttir fundarritari. Um 50 foreldrar sátu fundinn.

Dagskrá aðalfundar er skv. 4. gr. laga félagsins

- a) Kosning fundarstjóra og fundarritara
- b) Skýrsla stjórnar um störf hennar og starfsemi félagsins
- c) Endurskoðaðir ársreikningar lagðir fram
- d) Umræður um skýrslu stjórnar og ársreikning og afgreiðsla hans
- e) Lagabreytingar
- f) Starfsáætlun lögð fram til kynningar og afgreiðslu
- g) Kosning í stjórn félagsins
- h) Kosning tveggja skoðunarmanna reikninga

Sigurður Örn setti fundinn og gengið var til dagskrár.

Elín Thorarensen gerði grein fyrir ársskýrslu stjórnar og störfum félagsins árið 2013-2014 m.a. fundum félagsins, bæði stjórnarfundum og með skólastjórnendum sem og helstu verkefnum foreldraráðsins það árið. Engar lagabreytingar tóku gildi.

Kosning í stjórn: Mikil breyting varð á stjórninni á síðasta aðalfundi er margir reynsluboltar gáfu ekki kost á sér áfram og var þeim þökkuð vel unnin störf. Þrír einstaklingar úr fyrri stjórn héldu áfram þ.e. Sigðurður Örn Eiríksson, Díanna Arnfjörð og Þórdís Guðmundsdóttir auk þess sem fjölmargir nýir buðu sig fram í stjórn foreldraráðsins. Almenn er kosið til 2ja ára í senn.

Nýir í stjórn foreldraráðsins: Brynja Björg Bragadóttir 5. bekkur, Guðjón Atlason 3. bekkur, Hafsteinn Sv. Hafsteinsson 3. bekkur, Helga María Rúnarsdóttir 5. bekkur, Helga Sverrisdóttir 3. bekkur, María Björk Óskarsdóttir 3. bekkur, María Jónasdóttir 3. bekkur, Sesselja Tómasdóttir 3. bekkur, Svandís Sturludóttir 5. bekkur, Sæunn Gísladóttir 5. bekkur, og Þórður Þorkelsson 6. bekkur.

Allir frambjóðendur voru samþykktir einróma og það var ánægjulegt að stjórnin var skipuð foreldrum nemenda úr öllum árgöngum skólans.

Guðný Rósa Þorvarðardóttir og Eyrún Baldvinsdóttir gáfu kost á sér sem skoðunarmenn reikninga og voru samþykktar samhljóða á fundinum.

Að loknum hefðbundnum aðalfundarstörfum hélt Sigrún Dís Hauksdóttir forseti NFVÍ kynningu á félagsstarfinu og eftir kaffihlé kynnti Margrét Lilja Guðmundsdóttir sérfræðingur hjá Rannsóknunum og greiningu niðurstöður rannsókna á líðan nemenda í framhaldsskólum og sköpuðust miklar umræður.

Fundir:

Haldnir voru 4 formlegir stjórnarfundir í vetur þar sem farið var yfir mál er snerta skólann og skólalífið, skipulagningu ballgæslu og fleira auk þess sem árlegur fundur með skólastjórnendum var undirbúinn. Sú hefð hefur skapast að allir stjórnarmenn eru boðaðir á alla fundi. Fundargerðir stjórnarfunda eru settar inn á síðu foreldrafélagsins á vef skólans. Mikil samskipti og ákvarðanatökur áttu sér stað rafrænt allt árið bæði í gegnum tölvupósta og lokaðan spjallþráð foreldraráðsins.

Á fyrsta stjórnarfundum skipti stjórnin með sér verkum:

María Björk Óskarsdóttir – *formaður*

Sigurður Örn Eiríksson - *gjaldkeri*

Helga Sverrisdóttir – *ritari*

Brynja Björg Bragadóttir - *umsjón ballgæslu*

Díana Arnfjörð - *meðstjórnandi*

Guðjón Atlason - *umsjón ballgæslu*

Hafsteinn Sv. Hafsteinsson - *umsjón fésbókar*

Helga María Rúnarsdóttir - *meðstjórnandi*

María Jónasdóttir - *meðstjórnandi*

Sesselja Tómasdóttir - *meðstjórnandi*

Svandís Sturludóttir - *umsjón ballgæslu*

Sæunn Gísladóttir - *meðstjórnandi*

Þórdís Guðmundsdóttir - *heilsueflandi framhaldsskóli*

Þórður Þórkelsson - *meðstjórnandi*

Í nóvember var haldinn jákvæður og góður fundur með skólastjórnendum þar sem farið var yfir fjölmörg málefni er snerta skólastarfið og skólalífið, atvik sem upp höfðu komið meðal nemenda sem og þær breytingar sem voru í undirbúningi tengt 3ja ára náminu. Annar fundur

var haldinn í febrúar eftir nemendamótið en þá töldum við nauðsynlegt að koma á framfæri fjölmörgum ábendingum okkar vegna margra hluta er við töldum hafa misfarist þegar nemendur voru á leið inn á ballið og sköpuðust hættulegar aðstæður nokkrum sinnum.

Þetta árið komst meiri regla á boðun fulltrúa foreldraráðs á fundi skólanefndar aðra en fjárhagslega fundi hennar. Varð úr að María Björk sótti flesta fundina enda eðlilegast að formaðurinn hefði sem skýrasta yfirsýn yfir það sem er í gangi í allar áttir. Viðfangsefni Skólanefndar voru fjölmörg en 3ja ára námið, innra starf og stefnumótun og skipulagsmál, gengi nemenda, einkunnaverðbólga grunnskólanna og möguleg inntökupróf voru algengust.

Önnur verkefni:

Félagsgjöld:

Valfrjálsir greiðsluseðlar voru sendir í heimabanka foreldra í fyrsta sinn sl. haust 1500 kr. pr. Barn. Það er ánægjulegt að segja frá því að langflestir foreldrar greiddu félagsgjaldið. Sá sjóður sem myndaðist gaf foreldrafélaginu í fyrsta sinn tök á því að standa straum viðburðum. Við buðum nemendum upp á fyrirlesturinn „Meira en 1000 orð“ með Þórdísi Elvu sem fjallaði um sexting og hefndarklám, keyptum veitingar fyrir foreldra í ballgæslu og gáfum vinninga í edrúpottinn sem hefur verið mjög hvetjandi fyrir nemendur og margir blásið til að setja nafn sitt í pottinn. Stjórnin leggur til óbreytta upphæð á nýju ári.

Ballgæsla:

Stór hluti af starfi foreldrafélagsins snýst um að aðstoða skólastjórnendur og félagslífsfulltrúa við gæslu á skólaböllum á vegum nemendafélagsins. Böllin sem voru 6 á síðasta ári gengu í flestum tilvikum mjög vel og krakkarnir voru til fyrirmyndar. Nýnemaballið sem haldið var í Kaplakrika haustið 2014 fór þó úr böndunum enda það fjölmennasta frá upphafi, með innfluttan listamann. Allir voru reynslunni ríkari og skólastjórnin hefur tekið fyrir að ball af þessari stærðargráðu verði haldið aftur.

Þátttaka foreldra í ballgæslunni hefur þótt mjög afar jákvæð og til fyrirmyndar. Til að byrja með gekk vel að manna í gæsluna og fjöldi foreldra svöruðu kalli foreldraráðsins sem send voru út á facebook-síðu foreldrafélagsins. Þegar leið á skólaárið svöruðu hins vegar æ færri kallinu og mátti litlu muna að illa færi á nemendamótinu þegar erfiðlega gekk að hleypa krökkunum inn í salinn og þröngt var á þingi á bílastæðinu. Þá skipti ekki síst vösk framganga örfárra pabba sem voru í gæslunni miklu máli við að ná tökum á erfiðum aðstæðum sem myndaðist í biðröðinni. Við vonum innilega að foreldrar taki vel við sér þetta árið ... allt árið enda létt verk ef margir skipta með sér verkum – aðkoma foreldra skiptir öllu máli!

Facebook:

Foreldraráðið hefur nú haldið úti fésbókarsíðu í rúm tvö ár. Markmið hennar er að gera störf foreldraráðsins sýnilegri, miðla fréttum og fróðleik eftir því sem við á. Ennfremur að skapa vettvang til samráðs og jákvæðra skoðanaskipta foreldra. Það er mismunandi hvað ratar þarna inn en foreldrar mega endilega vera duglegir að koma til okkar jákvæðum fréttum og áhugaverðum ábendingum er snerta málefni krakkanna, skólans og foreldra.

Lokaorð:

Það er margt sem breytist þegar að krakkarnir okkar byrja í framhaldsskóla, sjálfstæðið eykst til muna og freistingunum fjölgar. Í dag er það samt sem betur fer ekki eins sjálfgefið og það var að þau byrji að drekka þó pressan aukist til muna. Sem betur fer fjölgar alltaf flottum fyrirmyndum þ.e. ungu hæfileikaríku fólki sem velur að sleppa því að nota áfengi eða önnur vímuefni og er óhrætt við að segja frá því. Rannsóknir hafa sýnt að það munar um hvert einasta ár sem það frestast og skiptir þá aðhald foreldra og skóla öllu máli. Samstaða foreldra í því að leyfa ekki eftirlitslaus party og bjóða ekki upp á áfengi er gríðarlega mikilvæg. Ef einhverjir eru ásakaðir um að vera strangasta mamman eða pabbinn er gott að bera sig saman við aðra foreldra ... því þeir eru örugglega flokkaðir í sama styrkleikaflokk. Það er auðveldara að fylgja sannfæringunni og gefa ekki eftir í svo mikilvægu máli ef maður veit að maður er ekki einn á þeirri skoðun og samstaðan er til staðar.

Fyrir ári síðan kom ég ásamt stórum hópi góðra foreldra ný inn í foreldraráðið. Við fengum ágætan bolta í fangið og satt að segja ekki alveg einfalt því flestir reynsluboltarnir hurfu á braut. Ég tók því blaut á bakvið eyrun við formennsku og þurfti eins og við flest að læra á „allt“ svona á meðan við gerðum. Sem betur fer gat ég þegar að svo bar undirleitað til fyrri formanns, Ellýjar Thorarensen sem reyndist mér afar hjálpleg þrátt fyrir að hafa flutt út fyrir landsteinana. Veturinn var um margt skritinn, veðrið óendanlega leiðinlegt í langan tíma sem hafði áhrif á allt þjóðfélagið. Ýmislegt óheppilegt kom upp innan veggja skólans og vorum við í stjórninni þá bara á hliðarlínunni enda ekki okkar að dæma í þeim málum.

Nú ári síðar finnst mér ég svo sannarlega vera reynslunni ríkari og held eftir á að hyggja að síðasti vetur hafi bara gengið þokkalega þrátt fyrir allt og allt þökk sé frábæru fólki sem var með í stjórninni og mikilli samstöðu. Dóttur minni þótti til að byrja með brólt mitt í foreldraráðinu og þá ekki síst þátttaka í ballgæslunni fremur vandræðalegt. Hún er nú aðeins að jafna sig á þessu enda búin að sjá að ég er ekkert rosalega mikið fyrir henni. Hún spurði mig í gær hvort ég fengi borgað fyrir að sinna þessu starfi því undanfarna daga hef ég verið að undirbúa þennan aðalfund. Varð þínulítið hissa að ég væri að setja svona mikinn tíma fyrir engin laun. En laun eru ekki allt, það er jákvætt að leggja lið, gefa af sér og vera fyrirmynd ef það gagnast og ef maður getur. Sjálfur fær maður alltaf eitthvað til baka ekki síst frábæra reynslu, nýja þekkingu og öflugra tengslanet.

Ég hlakka til þess að takast á við nýtt starfsár foreldrafélagsins með því kraftmikla fólki sem mun halda áfram í stjórninni, þakka þeim sem nú eru að hætta fyrir samstarfið og bíð spennt eftir að kynnast og starfa með þeim foreldrum sem ætla að gefa kost á sér hvort sem er í foreldraráðið eða ballgæslu. Nú er tækifærið – við tökum öllum opnum örmum J

Takk fyrir og góða skemmtun í kvöld,

Seltjarnarnesi 29. September 2015

María Björk Óskarsdóttir, formaður Foreldraráðs Verzlunarskólans.